

書名 錦繡萬花谷別集三十卷 嘉靖十五年序錫山秦汴鑄石書堂刊本後修
撰者 宋 闕名 撰
卷 卷十八
內容分類 子-類書-彙考-宋
索書號 大木-子部-類書類-31
編號 C5924800

卷十八



彩色首頁1

東洋文化研究所漢籍目錄 編號: C5924800

東洋文化研究所漢籍目錄所藏漢籍善本文影像資料庫 索書號: 大木-子部-類書類-31

漢籍善本文影像資料庫文本 錦繡萬花谷別集三十卷 嘉靖十五年序錫山秦汴鑄石書堂刊本後修

版權所有: 東京大學 東洋文化研究所

使用上的注意事項

錦繡萬花谷別集卷之一

天

陔 廣雅云九天之際曰九垓九天之外次曰九垓云垓垓也陔階也言階次有九

漢名臣奏曰今史官所用候臺銅儀則混天法也

述 記曰長安南有靈臺上有銅渾天儀

晉天文志天形南高而北下日出高故見日不見天之居如倚蓋

漢天文志天運三十歲一小變百年中變五文三大變一紀三紀而大備

太元經闔天謂之宇闔天謂之宙

唐天文志元宗詔一行與梁令瓚鑄



錦繡萬花谷卷之十七

錦繡萬花谷卷之十八

隱逸

山棲 漢崔駰達旨解士或掩目而淵潛或盥耳而山棲或草耕而僅飽或木茹而長饑註云北人無擇與舜為友舜以天下讓之無擇乃自投清泠之淵終身不反許由字武仲隱於沛澤堯聞之乃致天下而讓焉由以為汚臨池洗耳伯成子高唐虞時為諸侯至禹去而耕禹往見之則耕在野鮑焦衣木皮食木實

市口不二價 時有女子從康買藥康守價不移女子怒曰公是韓伯休乃不二價乎康歎曰我本欲避名今小女子皆知有我焉何用藥為乃遂入霸陵山中

豈羨入帝王門 仲長統樂志論躊躇畦苑遊戲平林濯
清水追涼風釣遊鯉弋高鴻風乎舞雩之下詠歸高堂
之上安神閨房思老氏之玄虛呼吸精和求至人之彷彿
與達者數子論道講書俯仰二儀錯綜人物彈南風
之雅操發清商之妙曲逍遙一世睥睨天地之間不受
當時之責永保性命之期如是則凌霄漢出宇宙之外
矣豈羨入帝王之門哉

七松處士 唐鄭薰既老號所居為隱巖詩松于庭號七
松處士

竹溪六逸 唐李白與孔巢父韓準裴政張叔明陶沔居
徂徠山日沉飲號竹溪六逸

蘇門生 魏志阮籍字嗣宗少時嘗遊蘇門山蘇門山有

隱者莫知其姓名有竹實數斛曰杵而已籍對之長嘯

清韻鄉音亮蘇門生亦嘯鸞鳳之音蘇門生即孫登也

雲山不遠 杜栢學士茅屋詩碧山學士焚銀魚蘇註
云張褒梁天監中不供學士職御史欲彈劾褒曰碧山
不負吾乃焚章長嘯而去

逍遙谷 韋嗣立封逍遙公其隱谷曰逍遙谷

好解印安禪 王得至少室山寺愛其瀟洒顧弟待曰好
解金印共此安禪庶免榮華之累第笑而不答杜詩云
誰能解金印瀟洒共安禪

漆園傲吏 文選郭景純游仙詩漆園有傲吏註云莊周
為漆園吏楚威王聘而不應

萊氏逸妻 文選郭景純游仙詩萊氏有逸妻註云萊子

耕於蒙山之陽楚王駕至老萊之門曰守國之君願變先生萊曰諾妻曰妾之居亂世爲人所制能免於患乎妾不能爲人所制者委畚而去萊乃隨而隱

隨駕隱士唐盧藏用始隱山中時有意當世人目爲隨駕隱士晚乃徇權利務爲驕縱素節盡矣

終南士宦捷徑唐司馬承禎嘗召至闕下將還山盧藏用指終南曰此中大有嘉處承禎徐曰以僕視之仕宦之捷徑耳藏用慙

一壑一丘漢班氏叙傳云班嗣曰夫嚴子者絕聖棄智脩生保真漁釣於一壑則萬物不奸其志栖遲於一丘則天下不易其樂不結聖人之網不與驕君之餌然肆志談者不得而名焉故可貴也嚴子莊周也結與挂同龔古臭字

青瑣高議云陳搏字圖南唐僖宗封爲清虛處士仍賜宮女二人先生作詩曰雪爲肌體玉爲腮深謝君王送到來處士不生巫峽夢勞雲雨下陽臺五代時遊於華山多不出真宗遣中使宣召先生爲奏謝曰數行紫詔徒煩彩鳳嘶來一片閒心已被白雲留住嘗作詩云華山高處是吾宮出卽凌空跨曉風臺殿不將金鎖閉來時自有白雲封

唐楊場與章伯文志操頗剛簡未遇時著閒居賦自託常曰得田十頃僮婢十人下有兄弟布粟之資上可供先公伏臘足矣

黃魯直詩序云太醫孫君昉字景初爲士大夫發藥多不受謝自號四休居士山谷問其說四休笑

曰麤茶淡飯飽卽休補破遮寒暖卽休三平二滿過卽
休不貪不妬老卽休山谷曰此安樂法也夫少欲者不
伐之家也知足者極樂之國也四休家有三畝園花木
鬱鬱客來煮茗傳酒談上都貴游人間可喜事或茗寒
酒冷賓主皆忘其居與予相望暇則步草徑相尋故作
小詩遺家僮歌之以侑酒茗

詩山隨宴坐畫圖出木作夜窓風雨來莫將世事侵兩

鬢小菴觀靜鎖靈臺山谷題致虛菴富貴何時潤髑髏守錢奴

與抱官囚太醫診得人間病安樂延年萬事休山谷遺

士滅性能安樂深居絕是非英雄行險道富貴隱危機

紙被如錦軟藜羹勝肉肥蒼苔滿山徑最苦客來稀戴

屏贈郭相得公卿知姓名扁舟棹月過吳城卧聽蘆葉

更添白吟到梅花語更清拋却石田甘遠客愛看山色

每分程如何亦肯敲寒屋松火煎茶共短檠戴希道贈

世事茫茫心事灰衆人爭處我驚回閉門不管花開落

避俗唯通燕往來富貴在天求不得光陰轉地老相催

平生任達陶元亮千載神交共一杯戴石屏

恬退

賢哉二大夫漢疏廣爲太傅廣兄子受爲少傅朝廷以

爲榮在位五歲廣謂受曰吾聞知足不辱知止不殆功

遂身退天之道也今仕宦至二千石宦成名立如此不

去懼有後悔豈如父子相隨出關歸老故鄉以壽命終

不亦善乎卽日父子俱移病乞骸骨公卿大夫故人邑

子設祖道供張東都門外送者車數百兩觀者皆曰賢

哉二大夫

祖道饑行也供居共反張竹亮反

無心圖富貴

北史楊素善屬文周武帝常令為詔下筆

立成詞義兼美帝嘉之謂曰善自勉勿憂不富貴素應

聲曰但恐富貴來逼臣臣無心圖富貴

南史劉訐

字彥度本州刺史張穆辟為主簿

主者檄召訐乃挂檄於樹而逃

非不愛作熟官

北史王晞字叔朗齊昭帝踐祚欲以晞

為侍郎苦辭不受或勸晞勿自踈晞曰我閱要人多矣

兄出少時鮮不敗績人主私恩何由可保萬一披猖求

退無地非不愛作熟官但思之爛熟耳

唐韋表微

字子明授監察御史裏行不樂曰

野壁滋味也人皆欲之吾年五十拭鏡剪白眉游少

年間取一班一級不見其味將為松菊主人不愧陶淵

明云

詩靈鳳鳴朝陽神龍不泥蟠時兮不可為昌父乃在山

思君二十年見君良獨難時於邸報上屢見得祠官祠

官祿不多一貧其柰何采芝亦可食當作采芝歌近者

李侍郎直言遭逐去人皆笑其踈君獨有詩句君為山

中入世事安得聞入山恐未深更入幾重雲

趙昌父

耕巖之下

揚子谷口鄭子真不誑其志耕乎巖石之下

名震京師

白魚不受釣

魯璘隱嵩山不仕傲曠鄉有大夫不廉行

惡一日見璘垂釣問曰先生今日得多少魚璘曰此池

淺無巨鱗有白魚一雙長二三寸不受釣大夫沮而歸
獨背絲為綸列子曰詹何以獨繭絲為綸芒針為鈎荆
篠為竿剖粒為餌引盈車之魚又後漢張衡傳詹何以
沉鈎致精

得白魚腹中有書陵陽子明好釣魚於延溪得白魚腹
中有書教子明服食之法遂上黃山採五脂石服之三
年龍來迎去

垂綸者清宋文帝嘗與群臣臨天泉池帝垂綸良久不
獲王或越席曰臣以為垂綸者清不獲貪餌衆皆稱善
五十摺為餌莊子外物篇任公子為大鈎巨緇五十摺
以為餌蹲乎會稽投竿東海旦旦而釣期年不得魚已
而大魚食之牽巨鈎鎔沒而下驚揚而奮鬣白波若山

海水震蕩聲侔鬼神憚赫千里任公子得若魚而腊
之自制河以東蒼梧以北莫不厭若魚者

釣璜注揚雄傳曰璜王也呂望釣於磻溪得璜三刻曰
姬受命呂佐之報在齊

詩萬事無心一釣竿三公不換此江山平生誤識劉文
叔惹得虛名滿世間鐵石屏漁父飲不須錢柳枝斜貫

錦鱗鮮換酒却歸船○漁父醉釣竿閑柳下呼兒十鬢
船高眠風月天○漁父醒荻花洲三千六百釣魚從

頭下復收○漁父笑笑何人古來豪傑盡成塵江山秋
復春石屏漁父詞七尺漁竿八十翁釣絲輕裊荻花風功名

未遂英雄老人道磻溪卽箇中戴石屏周子益漁村詩沐芳莫彈
冠浴蘭莫振衣處世忌太潔志人貴藏暉滄浪有釣客

吾與爾同歸 李白

參謁

掃門求見 漢魏勃欲求見齊相曹叅家貧無以自通乃常早起掃齊相門舍人怪問之勃曰願見相君無因故為子掃於是舍人引見叅以勃為舍人

交隨不避風雨 漢朱博字子元稍遷為功曹伉俠好交游從士大夫不避風雨時蕭育陳咸以公卿子著才知名博皆友之

為性命忍須臾 通鑑郝超以桓温故朝中皆畏事之謝安嘗與王坦之共詣超日盱未得前坦之欲去安曰獨不能為性命忍須臾耶

閑看華山來 摭言云平魯謁華州李相不遇吟曰老夫三日門前立珠幕銀屏晝不開詩卷却拋書袋裏壁如閑看華山來

名紙毛生 摭言云劉魯風投謁所知為典謁所阻吟曰萬卷書生劉魯風煙波萬里謁文翁無錢乞與韓知客名紙毛生不為通

老吏慢寒儒 青瑣高議云韓魏公知中山李清臣謁見其姪吏報曰太祝方寢清臣為絕句曰公子乘閑計絳厨白衣老吏慢寒儒不知夢見周公否曾說當年吐哺無魏公見其詩曰吾知此人久矣竟有東林之選

見汝輩平平耳 世說云王右軍郝夫人謂二弟司空中郎曰王家見二謝傾筐倒屣見汝輩平平耳無煩復往也

奇男子願見將軍 韓文王君墓誌銘云王適好讀書環

奇負氣聞金吾李將軍年少喜士可撼乃躋門告曰天

下奇男子王適願見將軍白事一見語合意往來門下

奏為其衛曹參軍克引駕仗判官盡用其言

刺字漫滅 東漢禰衡字正平建安初來遊許下始達穎

川乃陰懷一刺既而無所之適至於刺字漫滅

燭分餘光 史記甘茂避讒亡秦奔齊逢蘇代代為齊使

於秦茂曰臣得罪於秦無所容迹聞貧人女與富人女

會績貧女曰我亡以買燭而子之燭有餘可分我餘光

今臣困而君使秦茂之妻子願君之餘光振之代諾

安能看人眉睫 北史崔亮字敬儒年十歲依季父居貧

傳書自業時隴西李冲當朝任事亮族兄光往依之謂

亮曰安能久事筆硯而不往托李氏也彼家饒書因可

學亮曰弟妹饑寒豈容獨飽自可觀書於市安能看人

眉睫平光言之於冲冲召與語甚奇之迎為館客

新詩上相公 青瑣高議云儒生張球上呂惠公詩曰近

日厨中乏短供孩兒啼哭飯籬空母因低語告兒道爹

有新詩上相公公見詩甚悅因厚贈之

求知

能中物 唐元澹字行冲及進士第累遷通事舍

人狄仁傑器之嘗謂仁傑曰下之事上譬富家儲積以

自資也脯腊膜腴以供滋膳參朮芝桂以防疾疢門下

克旨味者多矣願以小人備一藥石可乎仁傑笑曰君

正吾藥籠中物不可一口無也豚戶皆切腹以脂反夾脊肉也龍力孔反

經史題作佳士李白與韓荆州朝宗書今天下以君侯

為文章之司命人物之權衡一經品題便作佳士而今

君侯何惜階前盈尺之地不使白揚眉吐氣激昂青雲

耶

借勢王公韓文與邢尚書云布衣之士身居窮約不借

勢於王公大人則無以成其志

高自稱譽前漢東方朔傳武帝舉賢良文學材力之士

朔上書高自稱譽上偉之令待詔公車

雲雨待雲興魏愷傳愷自散騎常侍遷青州刺史固辭

文宣大怒曰何物漢子與官不就由是積年沉廢後遇

惜於路自陳情曰咸由中旨豈曰雖復零雨自天終待

雲興四岳惜欣然數日除霍州刺史

知人

知我者鮑子史記管仲曰生我者父母知我者鮑子也

鮑叔既進管仲以身下之天下多管仲之賢而多鮑叔

能知人也

當為南州冠冕蜀志龐統字士元少時樸鈍未有識者

穎川司馬徽清雅有知人鑒統往見徽徽稱統當為南

州士之冠冕由是漸顯

知人之鑒隋高孝基所舉杜如晦房元齡等後皆自致

公輔論者稱孝基有知人之鑒

知人號席公唐席豫字建侯典選六年拔寒遠士多至

臺閣當時推知人號席公

瞻慕

願識韓荆州 李白與韓荆州朝宗書白聞天下談士相聚而言曰生不用萬戶侯但願一識韓荆州何令人之景慕一至於此耶豈不以有周公之風躬吐握之事使海內豪俊奔走而歸之一登龍門則聲譽十倍所以龍盤鳳逸之士皆願收名定價於君侯君侯不以富貴而驕之寒賤而忽之則三千賓中有毛遂使白得穎脫而出即其人焉

如過泗州不見大聖 本州劉安世在宋杜門屏迹然田夫野老市井細民以謂過南京不見劉待制如過泗州不見夫聖

慕蘭更名 司馬相如少名犬子慕蘭相如之為人更名

如如

比擬

以田舍兒比國士 北史高昂字敖曹神武初起兵范陽盧曹亦以勇力稱為尔朱氏守薊神武厚禮召之以昂相擬曰宜來與從叔為二曹曹愠曰將田舍郎比國士遂率其徒自薊入海島

張華比子產 晉張華字茂先學業優博辭藻温麗武帝問漢官守制度華應對如流帝異之時人比之子產

比郭汾陽 唐裴度名震四夷其威譽德業比郭汾陽與關散爭烈史記太公曰蕭何之勲爛然聲施後世與

閔天放宜生等爭烈矣

司馬相如 唐李白十歲通詩書蘇長史見白異之曰是

子天才英特少益以學可比相如

有之齒猶鄧禹唐房喬傳秦王曰漢光武得鄧禹門人益親今我有元齡猶禹也

錦繡萬花谷別集卷之十八

錦繡萬花谷別集卷之十九

才德

中庸有胡公後漢胡廣字伯始性溫柔謹素常遜言恭色練達事體明解朝章雖無蹇直之風屢有補闕之益京師諺曰萬事不理問伯始天下中庸有胡公

弦鳴鴈落石敏若曰元稹少年有材氣不畏強禦至於任重責大一有所謀輒敗露為天下笑乃知絳御藩鎮須吉甫黃裳度德裕方可為乎德裕廟堂老手弦鳴鴈落刃往牛解而時君不哲投閑置散以致機人云屢跌果唐否運也

和均韶風李白上李長史書君侯明奪秋月和均韶風掃塵辭場振發文雅陸機作太康之傑士未可比肩曹